

**IBILGAILUAK BIDE PUBLIKOTIK ERRETIRATU ETA, HORREN ONDORIOZ, HAI EK ZAIN TZEKO ZEIN  
IBILGAILUAK BIDE PUBLIKOAN IBILGETZEKO ZERBITZUEN TRUKE ORDAINDU BEHARREKO TASAK  
ERREGULATZEN DITUEN ORDENANTZA FISKALA**

**12. ordenantza**

Oinarria

1. artikulua.- Ordainarazpen hau ezartzen da Nafarroako Toki Ogasunei buruzko martxoaren 10eko 2/1995 Legearen lehen tituluko IV. kapituluko 7. atalean xedatutakoari jarraikiz eta haren 12. artikuluan jasotako baimenaren babesean.

Zerga-egitatea

2. artikulua.- Zerga-egitatea zerbitzu hauek ematea da:

- a) Ibilgailuak bide publikotik erretiratzea nahiz erretiratzen hastea, behar diren udal-zerbitzuen jarduna baliatuta.
- b) Udal-lokaletan gordetako ibilgailuak zaintzea.
- c) Ibilgailuak bide publikoan ibilgetzea prozedura mekanikoen bidez.

3. artikulua.- Honako hauek ez dute tasa hau ordaindu beharko:

- 1) Behar den moduko baimena duten kabalkada, desfile, segizio, kirol-saio edo beste jarduera nabarmenen bat eginen den ibilbidean aparkaturik daudelako bide publikotik erretiratzen diren ibilgailuak.
- 2) Dauden tokian bide publikoa konpontzea edo garbitzea galarazten dutelako erretiratzen diren ibilgailuak.
- 3) Haien jabeek ebatsi dizkieten ibilgailuak, bide publikotik erretiratu edo bertan ibilgetzen diren kasuetan.

Horretarako, ibilgailu bat haren jabeak ebatsi diotela joko da jabeak lapurretaren salaketaren kopia bat aurkezten bada, eta horretan adierazten diren salaketa-data eta -ordua ibilgailua erretiratu edo ibilgetzearenak baino lehenagokoak badira. Halaber, ibilgailua ebatsia izan dela joko da, baldin eta lapurretaren zantzu agerikoak baditu (sarraila indarrez irekia, zubi elektrikoa, etab.).

4) Bahiturako xedez gordetako ibilgailuak, Iruñeko Udaleko Derrigorrezko Diru-bilketako Departamentuak hala erabakita.

5) Aparkatze arautuko eremutik erretiratutako ibilgailuak, baldin eta gerora erakusten bada salaketa baino lehenago jarria zutela tiketa, edo ordainketa egin zutela telefono mugikorraren bidez ordaintzeko sistema baliatuta.

Tasaren sortzapena

4. artikulua.- Ibilgailua erretiratzeko tasa zerbitzua hasten den unean sortuko da.

5. artikulua.- Ibilgailua zaintzeagatik ordaindu beharreko tasa sortuko da behin ibilgailuaren gidariak edo jabeak hori udal-biltegiari dagoela jakin eta 24 ordu iragan eta gero.

Subjektu pasiboa

6. artikulua.- Kasuan-kasuan ezarri behar diren arauekin bat, hauek ordaindu beharko dute tasa: ibilgailuaren gidaria, titularra, gordetzailerak edo ibilgailuaren erantzulea.

Karga-oinarria

7. artikulua.- Karga-oinarria erretiratu, zaindu edo ibilgetzen den ibilgailu bakoitza da.

Salbuespenak

8. artikulua.- Ez da onartuko lege edo erregelamenduetako xedapenek hala aginduta nahitaez aplikatu beharrekoak direnez beste albuespenik.

Tarifak

9. artikulua.- Ibilgailuak erretiratzeagatik nahiz erretiratzen hasteagatik, zaintzeagatik edo ibilgetzeagatik aplikatu beharreko tarifak Ordenantza honen Eranskinean ezarritakoak dira.

Tributuaren kudeaketa

10. artikulua.- Ordenantza honetan ezarritako tasak Herritarren Segurtasuneko Alorreko bulegoetan eta Udalaren Ibilgailu-biltegiari jarritako eskudiritutako kutxetan ordaintzen ahalko dira.

11. artikulua.- Erretiratutako ibilgailuak haien jabeek itzuliko zaizkie, baldin eta baldintza hauetako bat betetzen bada:

- 1) Ibilgailu bat erretiratu, zaindu edo ibilgetzeak sortzen dituen tasak benetan ordaindu izana.
- 2) Dagokion Alorrek ibilgailu bat erretiratu, zaindu edo ibilgetzeak sortzen dituen tasak geroratzeko eta/edo zatikatze eskaera onartu izana.
- 3) Tasa ordaintzeko beharrik ez izatea, 3. artikuluan ezarritakoarekin bat.

12. artikulua.- Tasa honen likidazioa ordaintzeak ez du ezertan galarazten zirkulazio-arauak hausteagatik izan daitezkeen zehapen edo isunak pagatu beharra.

#### TARIFA-ERANSKINA

**I. EPIGRAFEA.- ZERBITZU EGITERA JOAN ETA IBILGAILUA UDALAREN BILTEGIRA ERAMATEKO LANAK HASTEA, BEHIN HORIEK HASITA GIDARIA EDO HARK BAIMENDUTAKO PERTSONA AGERTZEAK LANA BUKATZEA GALARAZTEN BADU ERE:**

|  |            |
|--|------------|
| - Baimendutako gehieneko masa 3.500 kg edo gutxiagokoa duten ibilgailuak | 51,00 euro |
| - Baimendutako gehieneko masa 3.500 kg-tik gorakoa duten ibilgailuak     | 85,00 euro |

**II. EPIGRAFEA.- ZERBITZUA OSORIK EGIN ETA IBILGAILU ARAU-HAUSLEA UDALAREN BILTEGIRA ERAMATEA:**

|  |             |
|--|-------------|
| - Bizikletak   | 51,00 euro  |
| - Baimendutako gehieneko masa 3.500 kg edo gutxiagokoa duten ibilgailuak | 102,00 euro |
| - Baimendutako gehieneko masa 3.500 kg-tik gorakoa duten ibilgailuak     | 173,00 euro |

**III. EPIGRAFEA.- IBILGAILUA BILTEGIRA ERAMAN ETA INORK ERRETIRATU GABE 24 ORDU EGINEZ GERO, ZAINZAGATIK ORDAINDU BEHARREKO TARIFA, EGUN EDO EGUN-ZATI BAKOITZEKO:**

|  |            |
|--|------------|
| - Baimendutako gehieneko masa 3.500 kg edo gutxiagokoa duten ibilgailuak | 8,10 euro  |
| - Baimendutako gehieneko masa 3.500 kg-tik gorakoa duten ibilgailuak     | 15,30 euro |

**IV. EPIGRAFEA.- IBILGAILUAK BIDE PUBLIKOAN IBILGETZEAGATIK, IBILGAILU BAKOITZEKO:**

|  |             |
|--|-------------|
| - Baimendutako gehieneko masa 3.500 kg edo gutxiagokoa duten ibilgailuak | 86,00 euro  |
| - Baimendutako gehieneko masa 3.500 kg-tik gorakoa duten ibilgailuak     | 162,00 euro |

**V. EPIGRAFEA.-** Ibilgailuen berezitasunengatik Udalak dituen baliabideekin ezin eraman badu eta zerbitzua egiteko beste batzuegana jo beharra baldin badu, kobratu beharreko tasa honako hauek osatuko dute: Udalak ibilgailuak erretiratzeko lana egiten duen enpresari ordaindu behar dion kopurua eta horren gaineko % 20, administrazio-arloko gastu orokorrak medio.